

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

**Aningaasaqarnermut tunngasut**

- Imm. 04** 2013-imut missingersuutissat ukiunullu 2014-imiit 2016-imut missiliuutissat siullermeernereri.
- Imm. 05** Siunnersuut: Qeqqata Kommuniani meeqqanut suli atualinngitsunut perorsaanikkut inerikkiartuutaasunik ulluunerani neqeroorutitut akiliuteqartarneq.

**Suliassat nalinginnaasut**

- Imm. 06** Pisinnaatitaaffiit nalilersoqqinneqarnerat.
- Imm. 07** Inuiaqatigiit peqqissuutinneqarnissaannik politikkikkut isumaqatigiissutissatut siunnersuutip tusarniutigineqarnera.
- Imm. 08** Imigassanik aalakoornartulinnik nioqquteqarsinnaanermut qinnuteqaat – Wogac´s Mittarfimmi pisiniarfik, Kangerlussuaq
- Imm. 09** Imigassanik aalakoornartulinnik tuniniaanissamut qinnuteqaat – Kangerlussuaq Wogac´s kiosk Old Camp B 1640.

**Paasissutissiissutit**

- Imm. 10** Kangerlussuarmi tammajuitsussarsiorluni ukiaanerani piniartitsinermut atatillugu assartuilluni aqqutissanik pilersitsinissamut immikkut akuersissut.

**Malinnaatitaaq**

- Imm. 11** Atuilluartuunissamik suliniutit
- Imm. 12** Tamalaat.

Ataatsimiinneq videokonferenci atorlugu ingerlanneqarpoq aallartillunilu nal. 8:50

*Peqataasut:*

***Atassut***

Bitten Heilmann, Maniitsoq  
Godmand Rasmussen, Sisimiut

***Inuit Ataqatigiit***

Ane Marie Schmidt Hansen, Sisimiut  
Anda Berthelsen, Sarfannguit  
Katrine Larsen Lennert, Sisimiut  
Olga Berthelsen Ljungdahl, Sisimiut

***Siumut***

Hermann Berthelsen, Sisimiut  
Evelyn Frederiksen, Sisimiut  
Alfred Olsen Sisimiut  
Efraim Olsen, Kangaamiut  
Hans Frederik Olsen, Sisimiut  
Morten Siegstad, Maniitsoq  
Søren Alaufesen, Sisimiut

*Nalunaaruteqarlutik peqataanngitsut:*

Beathe Poulsen (IA)  
Karl Lyberth (S)

*Nalunaaruteqaratik peqataanngitsut*

### **Imm. 01 Oqaluuserisassat akuersissutigineri**

#### **Aalajangiineq**

Godmand Rasmussenip kuuffissuarnut akiliutaasartut assigiinnginneri pillugit apeqquteqaataa borgmesterip akissuteqarfigaa, erseqqissaatigalugulu oqaluuserisassanngortitsiniaraanni allaganngorlugit tunniussisoqartarnissaa.

Godmand Rasmussenip Imm. 04-mi teknikkimut tunngasunut aningaasartuutitut tunngasunik apeqquteqaatai borgmesterimit akissuteqarfigineqarput.

Efraim Olsen tamalaani bankimut tunngasunik ilisimatitsissuteqassaaq.

Anda Berthelsen Sarfannguani atuarfimmuut tunngasut pillugit tamalaani apeqquteqassaaq.

Oqaluuserisassat akuersissutigineqarput.

### **Imm. 02 Borgmesterip nalunaarutaa**

#### **Aalajangiineq**

Borgmesterip nalunaarutaa paasissutissatut tiguneqarpoq.

### **Imm. 03 Ataatsimiititaliani siulittaasut nalunaarutaat**

#### **Aalajangiineq**

Ataatsimiititaliani siulittaasut nalunaarutaat oqaaserineqartut ilanngullugit paasissutissatut tiguneqarput.

**Imm. 04 2013-imut missingersuutissat ukiunullu 2014-imiit 2016-imut missiliuutissat  
siullermeerner**

*Journalnr. 06.01.01*

Tunuliaqutaq

Aningaasaqarnermut ataatsimiititaliaq apriliip 17-iani 2012-imi ataatsimiinnermini 2013-imut missingersuutissatigut ukiunullu missiliuuteqarfiusussanut piffissaliussatut pilersaarutit kiisalu 2013-imi missingersuutissatigut aningaasatigut killiliussassat aalajangiiffigivai

Politikkikkut partiit, ataatsimiititaliaq nunaqarfinnilu aqutsisut 2012-imut missingersuutissatigut, ukiunullu missiliuuteqarfiusunut kissaatiminnik juunip 19-iani 2012-imi tunniussaqrput, kommunalbestyrelsilu missingersuusiortarnermut atatillugu aggustip 22-iniit 23-ianut 2012-mi isumasioqati-giisitsilluni.

Maleruagassatigut tunngavissaq

Kommunit missingersuusiortarnerat, aningaasanik tigorianaateqarnerat, naatsorsuutaat, kukkurnersuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 13, 26. juli 2010-meersoq.

Qeqqata Kommuniata karseqarnermut naatsorsuuserinermullu malittarisassai.

1.

Pissutsit atuuttut

Aningaasaqarnermut ataatsimiititaliaq apriliip 17-i 2012-imi ataatsimiinnermi 2013-imut missingersuutitigut, ukiunullu 2014-imiit 2016-imut missiliuuteqarfiusunut killiliussassat aalajangersarpai.

Tamatuma malitsigisaanik kommunalbestyrelsip 2012-imut atatillugu immikkut aningaasaliissuterpaa-luit akuersissutiginiikuuai, tamakkulu aamma 2013-mi missingersuutitigut ukiunilu missiliuuteqarfiusuni malunaateqartussaallutik.

Iluarsiissutit tamakku iluarsissutigereerlugit 2013-imut missingersuutissatigut, taamatullu ukiuni missiliuuteqarfiusuni 2014-imiit 2016-imut siunnersuutit tulluuttutut isikkoqalerlutik:

Konto	Kontop taaguutaa	Miss. siunn. 2013	Missiliuutit 2014	Missiliuutit 2015	Missiliuutit 2016
1	Allaffissorneq	94.439	94.439	94.439	94.439
2	Teknikki avatangiisillu	36.116	35.903	35.903	35.903
3	Suliffissaqartitsiniarneq inuutissarsiutillu	24.569	24.569	24.569	24.569
4	Isumaginninnermut tunngasut	172.714	172.714	172.714	172.714
5	Ilinniartitaaneq kulturilu	213.728	211.704	209.233	209.233
6	Pilersuineq	5.339	5.339	5.339	5.339
	Ingerlatsineq katillugit	<b>546.905</b>	<b>544.668</b>	<b>542.197</b>	<b>542.197</b>
7	Sanaartorneq katillugit	56.554	18.090	13.569	0
	Aningaasartuutit katillugit	<b>603.459</b>	<b>562.758</b>	<b>555.766</b>	<b>542.197</b>
8	Isertitat	-603.585	-603.585	-603.585	-603.585
	Ingerlatsinnermi angusut	<b>-126</b>	<b>-40.827</b>	<b>-47.819</b>	<b>-61.388</b>
9	Killiffimmi nikingassut	8.400	5.000	5.000	5.000
	Oqimaqaqatigiissitsineq	<b>8.274</b>	<b>-35.827</b>	<b>-42.819</b>	<b>-56.388</b>
	Ukiup aallartinnerani uninngasuutit (1)	-14.743	-23.017	12.810	55.629
	Ukiup naanerani uninngasuutit	-23.017	12.810	55.629	112.017

(1) kommunalbestyrelsimi aggusti 2012-i aallaavigalugu akuersissutaasimasut toqqammavigalugit ukiup aallartinnerani pigisassat



2013-imut missingersuutit karsimiittuutitigut amigartoorutaasussatut isikkoqarnerat oqaatigineqassaaq, tamannalu ingerlatsinikkut sanaartukkatigullu aningaasartuutissat 5 procentiinik karsimiittuuteqarnissamik siunertamut naapertuutinngilaq.

Aammattaaq oqaatigineqassaaq, ukiuni missiliuuteqarfiusuni sanaartugassanut aningaasaliissutikit-suararsuummat, tamannalu patsisaanerpaalluni ukiuni missiliuuteqarfiusuni karsimiittuutit anner-tuumik pitsanngoriaateqarnerinut.

### **Missingersuutininut tigummisanut iluarsiiisutit**

Isertitanut tunngasortaat qitiusumik nalunaarutaasunit pisuunerupput.

Akileraartarnermut Aqutsisoqarfiup nalunaarutigivaa, 2013-imut isertitassat annikitsuinnarmik qaf-fariaateqarnissaat naatsorsuutigineqarmat, taamalu 26 procentimik akileraaruteqarnikkut akileraaru-titigullu akiliutaagallartartussat 303 mio. koruuniusussaassat, tassalu procentinik marlunnik qaffa-riaateqarlutik, tassalu ukiumut siulianut sanilliullugit 6 mio. koruuninik. Tamakku saniatigut ukioq kingulleq 8,3 mio. koruuninik killormoortumik iluarsiiisuteqartoqarluni, tamannali 2013-imi ukiu-mut akileraaruteqarfiusumut 2011-mut ajoraluartumik 10,5 mio. koruuniusussatut isikkoqarluni, taamalu ukiumup siulianut sanilliullugu 2,2 mio. koruuninik ajorseriaateqarluni. Ataatsimut isiga-luni 2012-imut missiliuutininut massakkumullu 2013-imut missingersuutitigut killiliussatigut sanil-liussinikkut 3,8 mio. koruunit pitsanngoriaataassapput.

Akileraartarnermut Aqutsisoqarfiullu aamma naatsorsuutigivaa, 2013-imi Qeqqata Kommuniata 86,3 mio. koruunit akileraarutitigut nalimmassaarutitut kommuninullu ataatsimoorussamik akileraa-rutitigut pissarsiasarissagai. Ukiumut siulianut sanilliullugu 6,2 mio. koruuninik annikinnerullutik, taamaattorli aprilimi killiliussanut sanilliullugit 6,3 mio. koruuninik pitsaanerullutik. Ukiunut mis-siliuuteqarfiusunut allaffeqarfik isumaqarpoq, suli 80 mio. koruunit sinnerlugit nalimmassaarinikkut kommuninullu ataatsimoorussamik akileraarutitigut pissarsisinnaanissaaq missingersuusiornermi aal-laavigineqassanngitsoq, tassa kingumut iluarsiiisuteqartarnerup atorunnaarnerata kinguneranik, tak. Akileraartarnermut Aqutsisoqarfiup nalunaarutaa.

Qeqqata Kommuniata Sisimiut Umiarsualivianik allileriniarnerminik avammut nalunaaruteqarnera-nut atatillugu ingerlatsinikkut akiligassat peereerlugit 6 mio. koruuninik isertitaqarnissaaq iluarsiiis-utigereerpa. Tamatumali kingorna Cairn-ip avammut nalunaarutigivaa, 2011-mi qilleriffigisara-luatik imaqanngitsut, aammalu Husky Energy-p nalunaarutigalugu, Sisimiut avataanni aatsaat 2014-imi qillerinissartik naatsorsuutigalugu. Uuliasioqatigiit uuliamik misissuinertigut pingaartitaat mas-sakkut avannarpasinnerusumiippasippoq. Aammattarlu Namminersorlutik Oqartussat aasannginne-rani nalunaarutigivaat, Sisimiut Umiarsualivianni ingerlatsinissaaq pillugu aatsaat septembarimi su-leqatigiissitami peqataanissaminut periarfissaqalissallutik. Suliassaaq taanna suli aallartinneqanngi-laq. Mianersornissaaq pissutigalugu isertitassaraluit ukiumut 2 mio. koruuninik appartittariaqassap-put.

Isertitassat eqqarsaatigalugit suli ataatsimoortumik tapiissutissat isumaqatigiissutaanissaaq amigaa-taavoq, massakkumullu Qeqqata Kommuniata qanoq atsigisunik pissarsisinnaanissaaq oqaatigiumi-naalluni. Naatsorsuutigineqarsinnaavorli missingersuusiornerup aappassaaneernissaanut nalunaaru-tigineqareersimassasoq.

**Kommunalbestyrelsip septembarip 27-ani 2012-imi ileqquusumik ataatsimiinnerata 05/2012-ip imaqarniliornera**

Konto	Isertitatigut iluarsiissutit	2013	2014	2015	2016
80-01	Inuit akileraarutaat	- 3.800	0	0	0
81-01	Selskabet akileraarutaat	0	0	0	0
83-01	Akileraarutit nalimmassaarutit ataatsimoortullu	- 6.300	0	0	0
83-01	Ataatsimoortumik tapiissutit	0	0	0	0
86-01	Sisimiut Umiarsualiviani isertitat	+ 2.000	+ 2.000	+ 2.000	+ 2.000
	<b>Katillugit</b>	<b>- 8.100</b>	<b>+ 2.000</b>	<b>+ 2.000</b>	<b>+ 2.000</b>

Aningaasartuutissat eqqarsaatigalugit kommunip sanaartugassatigut missingersuutaanut, Aningaasanut Inatsisissakkut illuliorititernermi aningaasaleeqataassutissat apeqqutaasorujussuussaapput. Massakkumut Aningaasanut Inatsisissatut siunnersuummi 2013-imut Nuup avataani sanaartukkanut annikitsuinnartigut aningaasaliissuteqarfiginiakkat takussaallutik. Aningaasanut Inatsit naapertorlugu Qeqqata Kommuniani 2013-imut nutaanik sanaartortoqartussaangilaq.

2013-imut kommunip sanaartugassatut missiliuutaani 4.990.000 koruunit Sisimiuni innarluutilinnut ornittagaliornissamut immikkoortitaapput, Namminersorlutilli Oqartussat sanaartornissamut aningaasaliissutissatik (50%) suli akuersissutiginnigilaat, taamaammat sanaartugassap namminersorlutik oqartussat akuersissuteqarnissaata tungaanut kinguartinneqarnissaa innersuussutaavoq.

Konto	Sanaartugassatigut missingersuutit iluarsisat	2013	2014	2015	2016
74-38	Sisimiuni innarluutilit ornittagassat	- 4.990	0	4.990	0

Aningaassartuutissat eqqarsaatigalugit aalajangiigaqarpaaluppoq, illup iluani ingerlasunik 2013-imilu missingersuutitigut ukiunilu missiliuuteqarfigisussani sunniuteqartussaasunik. Tamatumani pineqarlutik Innuttaasut Illuat, PPR, Sisimiuni ilaqutariinnik kiffartuussivik, taamatullu aamma Sisimiuni Maniitsumilu meeqqeriviliat nutaat marluk malitsigisassaasigut aningaasartuutissat. Tamakku saniatigut marlussutsigut annikitsunik iluarsiissuteqartoqartussaavoq, tassalu utoqqarnut inissiat naammassineqarnissaasigut, tamatumani aningaasaliissutitigut isertitaqarnerulernissaq pineqarluni.

Misingersuusionermik isumasioqatigiinnermi kissaatigisarpaalussuit nutaat oqallisigineqarput, aallaavittulli aningaasaqarnerup inissisimanerata 2013-imut kissaatigisat nutaat inissaqartippiangilai, tassa matuma siuliini isertitatigut iluarsiissuteqarnerup kinguneranik karsimiittuutit 2013-imi 15 mio. koruuninik amigartooruteqassammata.

Tulleriaakkat/ ataatsimiititaliat	AA + TAA + AAt.	IKSA + IAt. + SIA	Nunaqarfinni aqutsisut
1.	Inissianut aningaasaliissutit	Atuarfinni inulerisut	Kangerlussuarmini utoqqarnut inissiat
2.	Asfalterineq /aqq. aserfallatsaalineri	Atuarfimmi alimasissumik ilinniartitsinermi atortorissaarutit	Kangelussuarmini pinaveersaartitsisoq
3.	Maniitsumi kalaalimineerniarfiup iluarsartuunnissaa	Maniitsumi innarluutilinnut atuarfik	Atammimmi utoqqaat najugaqarfiini kuuffi-liineq



Tamakku saniatigut ataatsimiititaliat immikkoortut arlariillutik Sisimiuni Maniitsumilu naluttarfiliornissat tulleriiaarinermit salliutippaat. Ataatsimoortumik tulleriiaarinerit **ilanngussami** takuneqarsinnaapput.

#### Aningaasaqarnikkut allaffissornikkullu kingunerisinnaasai

Kommunimi suliffissaaleqineq eqqarsaatigalugu ilaqutariinnermullu ataatsimiititaliap susassaqaqfiisa aqunniarnerisigut aningaasaqarneq massakkut annertuumik nalorninartumiippoq. Taamaattorli ukiuni missiliuuteqaqfiusuni aningaasaqarnikkut inissaqartitsisoqarpoq, tassa sanaartugassatigut aningaasaliissutit annikinnerisigut, 2012-imilu akileraarutip qaffaallannerartigut.

Peqatigitillugulu ukiut kingulliit marlussuit piginneqatigiilluni inissiaatileqatigiiliornianiit tapiiffiqineqarnissamik qinnuteqartoqartarluni, ukiuni kingullerni tallimani taamaattoqartanngeriarluni, taamaattumik ukiuni missiliuuteqaqfiusuni tamakkunuuna aningaasartuutissat iluarsissutaasariaqarlutik.

Massakkullu 2014-imiit akileraarut 26 procentimiitinnarneqassanersoq, imaluunniit 25 procentinut apparteqqinneqassanersoq eqqartussallugu pissusissamisussaaq. Kingulleq toqqarniaraanni, taava isertitatigut akileraarutit tassalu isertitat 2014-imiit 11,5 mio. koruuninik appartittariaqalissapput.

Kangerlussuarmi ikaartarfiup pissusissamisoortileqqinnissaa 10 mio. koruunit missaanni akeqari-aannaavoq, massakkulli pissusissamisoortunngorteqqinnissaa kiap akiligassarissaneraa nalorninartumiilluni.

#### Allaffeqarfiup naliliinera

Namminersorlutik Oqartussat illuatungaannarsiorlutik sanaartormik Nuuk kisiat pingaartillugu isiginiarlugu politikkeqartillugu, peqatigitillugulu kommunit akornanni isertitatigut nikingasorujussuarmik Kommuneqaqfik Sermersooq-mut iluaqutaasussamik agguataaritillugit, taamatullu aamma ukiuni kingulliinerusuni tapiissutitigut kommunit tamakkerlugit sipaarniarfigalugit, tamanna Qeqqata Kommuniani sakkortuumik sipaarniarnissaaq suli pisariaqarpoq. Namminersorlutik Oqartussat politikkiat, tassa kommunit aningaasameertunngortinniarlugit ilungersunartorujussuuvoq, kommunimmi taakkuupput, inunnik kiffartuussinermik ingerlataqartut. Peqatigitillugulu aamma pingaaruteqarluni, kommunit pilersaarutitut annertoorujussuarnut soorlu alumiiniumik aatsiteriffiliassamut, uuliamik gassimillu misissuinissanut/qalluinissanut qaarusunillu ingerlatsiviliornissanut atillugu kommunini pilersaarusionermi peqataanissaminut nukissaqartinneqarnissaat.

Allaffeqarfiup ilanngullugu innersuuttuigissavaa, ukiuni missingersuusiorfiusumi iliuusissanik nutaanik missingersuusioriaaseq saneqqullugu ikkussisoqassanngitsoq. Taamaaliorneq tulleriiaarinerinik kiputitsisinnaammat, tassa iliusissat nutaat peqatigitillugu tulleriaareqqinnermik kinguneqartinneqanngippata.

Taamatuttaaq allaffeqarfiup innersuussutigaa, ukiup siulianisuulli tullinnguuttut ingerlateqqinneqassat:

- allaffissuarmi atorfinitsitsisarnerit unitsinnissaat, tamatumuunilu atorfiit suli amerlanerusut sipaarutaasariaqassallutik, tassa sipaarutaareersut saniatigut
- najugaqavissut sulisorinerulernissaat, tassa sulisut sinerissamiit nunallu avataaniit taarsaanne-rujussuit akisuut pinaveersaarlugit
- ullumikkut sutigut tamatigut suliatigut sulisut ikilisarlugit
- atuarfinni klasseni atuartut amerlillugit, immikkut atuartitsinerit ikilisarlugit
- kommunip kiffartuussineri akiliuteqaqfiusartut akitsorlugit

Tamatumalu qularnanngitsumik kiffartuussinerup appariaateqaqarnanik kinguneqassaaq, kisianni soorunalimi kiffartuussinerit appariaateqarnissaat sapinngisamik ingalassimaarniarneqassaaq.

Allaffeqarfiup innersuussutigissavaa, nutaanik iliuuseqarnissat utaqqimaartittariaqartut, tassa ataatsimoortumik kommunip aningaasaqarnikkut akileraarutitigut ataatsimoortumillu tapiissutitigut, taamatullu aamma oqaluuserisassani aalajangiussat malitsigisaannik aningaasartuutissat qanoq inissisimanerata paasinarsinissaa utaqqimaarallarlugu. Allaffeqarfiullu ilanngullu oqaatigissavaa, Sisimiuni sanaartorfigissaanikkut nunagissaanissat pingaarutillit missingersuusionermermi isumasioqatigiinnermi tullerriaarinikkut inissinneqanngimmata. Umiivitsiap kujataatungaani ilinniartunut ilaqutariinnullu inissialiorfissani sanaartorfigissaasoqanngippat, taava ukiup ataatsip marlulluunniit qaangiuppata sanaartornissaraluaq unitsiinnartariaqassaaq. Taamaattumik sanaartorfigissaanissaq taanna 2013-imut missingersuutitigut iluarsii ffiussanersoq isummerfigisariaqarpoq.

#### Aningaasaqarnermut ataatsimiititaliap suliamik sularinninnera

Aningaasaqarnermut ataatsimiititaliap septembarip 18-ani 2012 ataatsimiinnermini suliap sularivaa aalajangiullugulu innersuussutigineqartut oqaaserineqartut ilanngullugit akuersissutigalugit.

#### **Innersuussut**

2013-imut missingersuutissat siunnersuutit pigineqartut aallaavigalugit, aningaasaqarnermut ataatsimiititaliap kommunalbestyrelsimut akuereqqullugu innersuussutigissavai,

1. isertitatigut akileraarutissatigut nalimmassaarutissatigullu qitiusuniit nalunaarutit akuerineqasasut, missingersuutitigullu iluasiissuteqarfiullutik
2. Sisimiuni innarluutilinnut ornittagassamut 2013-imi missingersuutitigut aningaasaliissutit 4.990.000 koruuniusut kinguartineqassasut, tassa Namminersorlutik Oqartussat aningaasaleeqataassutissaasa akuerineqarnisaata tungaanut taamalu 2015-imut.
3. 2013-imi akileraarutissap procentia 26-miitiinnarneqassasoq
4. sanaartugassanut allatigullu sanaartugassatigut attartorsinnaanissaq aaqqissuunneqassasoq
5. aappasaaneerinissamut inuit akileraarutissaasigut ataatsimoortumillu tapiissutissatigut qitiusuniit nalunaarutissat missingersuutitigut aningaasaqarnermut immikkoortortap iluasiissuteqarfigissagai
6. isumasioqatigiinnermi politikikkut tullerriaarinerit suleqatigiinniit salliutitat pingasuusut, Umiivitsiallu kujataatungaani sanaartorfigissaanissaq aappasaaneerinissamut aalajangiiffissatut saqqumiunneqassasut

#### **Aalajangiineq**

Taasinermermi, innersuussutigineqartut oqaaserineqartut ilanngullugit, peqataasunit tamanit akuersissutigineqarput.

#### **Ilanngussat**

1. 2013-imut missingersuutissatut siunnersuutit septembarip 14-ani 2012-imi pigineqartut
2. 2013-imut missingersuusionermermi ukiunullu missiliuuteqarfiusunut missingersuutitigut kissaatisat tullerriaarneri



**Imm. 05 Siunnersuut: Qeqqata Kommuniani meeqqanut suli atualinngitsunut perorsaanikkut inerikkiartuutaasunik ulluunerani neqeroorutinit akiliuteqartarneq**

*Journalnr. 44.00.05*

Tunuliaqutaq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutinit kommunit aningaasartuutigisartagaat, akiliisussaataasullu aningaasaqarnikkut inissisimanerat tunngavigalugit akigititassat aalajangersarneqartarput

Maleruagassatigut tunngavissat

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutinit akiliuteqartarneq pillugu Namminersorlutik Oqartussat nalunaarutaat nr. 17, 2009-mi novembarip 27-aneersaq.

2.

Pissutsit atuuttut

**§ 1.** Kommunalbestyrelsip meeqqat meeqqanut suli atualinngitsunut ulluunerani neqeroorutiniinnerinut ukiup tulliani akiliutissat kingusinnerpaamik novemberip qaammataani aalajangersassavaat.

**§ 2.** Kommunalbestyrelsip akit meeqqanut 0-imiik 2-nut aamma 3-niit 6-inut ukiulinnut assigiinngitsut aalajangiussinnaavai.

*Imm. 2.* Sunngiffimmi sammisaqartitsinerup aaqqissugaanera pillugu Inatsisartut inatsisaata akuersissutigineqarnissaata tungaanut, tak. Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut peqqussutaanni nr. 10, 5. december 2008-meersumi § 31, imm. 3, meeqqat fritidshjemminiinnerinut akit immikkut aalajangersarneqarsinnaapput.

*Imm. 3.* Kommunalbestyrelsip kommunimi illoqarfinni nunaqarfinnilu akit assigiinngitsut aalajangiussinnaavai. Taamaattoq illoqarfiup nunaqarfiulluunniit ataatsip iluani meeqperiviit ataasiakkaarlugit assigiinngitsunik akeqartussanngorlugit aalajangersaasoqarsinnaanngilaq.

*Imm. 4.* Kommunalbestyrelsip angerlarsimafinni paarsinermut kommunip aaqqissugaanut immikkut akiliuteqartarnissaq aalajangiussinnaavaa.

*Imm. 5.* Kommunalbestyrelsip meeqqat sapaatip-akunneranut nalunaquttap-akunneri 25-t tikillugit meeqqanut suli atualinngitsunut ulluunerani neqeroorutiniittartut affaannarmik akeqarnissaat aalajangiussinnaavaa.

Meeqperivimmiittuuteqarnermi 2013-mi akigititassat ima siunnersuutigineqarput:

**Kommunalbestyrelsip septembarip 27-ani 2012-imi ileqquusumik ataatsimiinnerata 05/2012-ip imaqarniliornera**

**Atuuttut:**

**Qaammatini aqqanilinni akiliisoqartarpoq (januar akiliiffiunngilaq)–2012:**

Isertitat	Meeqqueriviit %	Sunngiffimmi ornittagaq %	Meeqquerivik	Sunngiffimmi ornittagaq
99.999 kr. tikillugit	0	0	0	0
100.000-149.999 kr.	5	5	345	205
150.000-174.999 kr.	6	6	414	245
175.000-199.999 kr.	7	7	483	286
200.000-224.999 kr.	8	8	552	327
225.000-249.999 kr.	10	10	690	409
250.000-274.999 kr.	12	15	828	614
275.000-299.999 kr.	13	20	897	818
300.000-324.999 kr.	14	22	966	900
325.000 – sinnerlugit	14,5	24,5	1.000	1.000

**Meeqquerivimmut akiliutissatut siunnersuutit, 1.1.2013 aallarnerfigalugu**

**Qaammatini aqqanilinni akiliisoqartarpoq (januar akiliiffiunngilaq)- siunnersuut 1**

Isertitat	Meeqqueriviit %	Sunngiffimmi ornittagaq %	Meeqquerivik	Sunngiffimmi ornittagaq
99.999 kr. tikillugit	0	0	0	0
100.000-149.999 kr.	5	5	310	205
150.000-174.999 kr.	6	6	371	245
175.000-199.999 kr.	7	7	433	286
200.000-224.999 kr.	8	8	495	327
225.000-249.999 kr.	10	10	619	409
250.000-274.999 kr.	12	15	743	614
275.000-299.999 kr.	13	20	805	818
300.000-324.999 kr.	14	22	867	900
<b>325.000- sinnerlugit</b>	<b>16</b>	<b>24</b>	1.000	1000

**Konto 50-imut missingersuutit:**

	Inissat	Missingersuut	Aki/inissaq
50-02 meeraaqqeriviit	48	3.927.000	81.813
50-03 meeqqeriviit	60	3.863.000	64.383
50-05 akuleriisitsilluni meeqqeriviit	620	39.966.000	64.461
50-06 angerlarsimaffimmi paarsisut/meeraateqarfik	87	7.740.000	88.966
<b>Meeqqerivinni missingersuut/inissat katillugit</b>	<b>815</b>	<b>55.496</b>	<b>68.093</b>
50-04 Sunngiffimmi ornittagaq	131	5.894	44.992

2013-mi missingersuutini konto 50 – meeqqanut ulluunerani susasaqartitsiniutit Naalakkersuisut nalunaarutaat nr. 17, 2009-mi novembarip 27-aneersoq naapertorlugu akigititat aalajangerneqarput.



Ukiumut meeqqerivimmiittuuteqarnermi qammatit aqqanillit akilerneqartarput, januaari akeqartinneqarani.

Qeqqata Kommuniani tamani angajoqqaat akiliutaannut tunngasuni 2012-imut aningaasaliissutit 5.077 t. koruuniupput.

Sisimiuni angajoqqaat akiliutaannut tunngasuni 2012-imut aningaasaliissutit 3.800 t. koruuniupput, tassa qaammammut 345 t. koruunit naligalugit.

Maniitsumi angajoqqaat akiliutaannut tunngasuni 2012-imut aningaasaliissutit 1.277 t. koruuniupput, tassa qaammammut 116 t. koruunit naligalugit.

Qeqqata Kommuniani tamani angajoqqaat akiliutaannut tunngasuni 2013-imut aningaasaliissutit taamaalillutik 5.077 t. koruuniupput, Sisimiunut 3.800 tkr.-nik Maniitsumullu 1.277 tkr.-iullutik.

2013-imi Qeqqata Kommuniani meeqqeriviit nutaat marluk ammarneqassapput:

Maniitsumi ataaseq meeqqanut 96-inut inissalik 21-llu missaanik sulisoqartussaq.

Sisimiuni ataaseq meeqqanut 64-inut inissalik 14,5-inillu sulisoqartussaq.

Tassunga atatillugu meeqqeriviit nutaanngitsut pingasut matuneqassapput:

Taamaattumik 2013-imut meeqqerivinnut akigititassanik, atuuttup saniatigut, nutaamik siunnersuuteqartoqarpoq. Allannguutit eqitsimmi %-iliinermi takuneqarsinnaapput.

#### Aningaasaqarnikkut allaffissornikkullu kingunerisinnaasai

Meeqqanut suli atualinngitsunut perorsaanikkut inerikkiartuutaasumik ulluunerani neqeroorutitut akiligititat, akiliisussaatitaasut ukiumi qaangiuttumi akileraarutigisussaallugit isertissimasaat aallaavigalugit aalajangersarneqartarput.

#### Allaffeqarfiup naliliinera

Meeqqanut suli atualinngitsunut perorsaanikkut inerikkiartuutaasumik ulluunerani neqeroorutitut akiliuteqartarnek pillugu Namminersorlutik Oqartussat nalunaarutaat nr. 17, 2009-mi novembarip 27-aneersoq naapertorlugu 2012-mi akigititassanik kommunalbestyrelsi aalajangiisussaavoq, akigitassallu Namminersorlutik Oqartussat minnerpaaffissatut annerpaaffissatullu akigititai naapertorneqassallutik.

Allaffeqarfimmit nalilerneqarpoq, siunnersuut 1 2013-imut misingersuutitut siunnersuummut naapertuunnerusoq.

#### Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap septembarip 3-ani 2012-imi ataatsimiinnermini suliaq suliarivaa.

Ilinniartitaanermut Immikkoortortap innersuussutigaa, meeqqerivimmiittuuteqarnermi 2013-mi akigitassatut siunnersuutigineqartoq akuersissutigineqassasoq, aningaasaqarnermut ataatsimiititaliamut Kommunalbestyrelsimullu akuersissutigineqartussanngorlugu ingerlateqqinneqassasoq. Innersuussutigineqartoq akuersissutigineqarpoq. Immikkoortoq Aningaasaqarnermik ataatsimiititaliamut kommunalbestyrelsemullu ingerlateqqinneqassaaq.

#### Aningaasaqarnermut ataatsimiititaliap suliamik suliarinninnera

Aningaasaqarnermut ataatsimiititaliap septembarip 18-ani 2012 ataatsimiinnermini suliaq suliarivaa, aalajangiullugulu:

Mississorneqassasoq dagplejecenter-imut tunngatillugu: soormitaava meeqqerivinniik akisunerusoq?

Kommunalbestyrelsimut ingerlatinnerani meeqqeriviit tamaasa pillugit paasissutissat ukua ilanngunneqassapput: meeqqeriviit tamaasa immikkut paasissutissat: qassinik meeraqarpa, qassit sulisuuppat. Aammalu qassinik utaqqisoqarpa.

Innersuussutigineqartoq akuersissutigineqarpoq.

**Innersuussut**

Aningaasaqarnermut ataatsimiititaliap kommunalbestyrelsimut innersuussutigissavaa 2013-mut meeqqerivimmu akiliutissatut siunnersuutit akuereqqullugit.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Ilanngussaqanngilaq

**Imm. 06 Pisinnaatitaaffiit nalilersoqqinneqarnerat**

*Journalnr. 02.00.01*

Tunuliaqutaq

Kommunalbestyrelsep 2012-imi aggustip 23-ani ataatsimiinnermi imm. 7, ilaqutariinnermut ataatsimiititaliap Sisimiuni kontoqarfimminut 2012-imut missingersuutitut immikkut aningaasaliissuteqartoqarnissaanik qinnuteqaataa eqqartorpaa. Tassunga atatillugu kommunalbestyrelsi aalajangerpoq, ilaqutariinnermut ataatsimiititaliap ulloq unnuarlu angerlarsimaftinnut namminersortunit pigineqartunut inissiisarnermi, siusinaartumik pensioninik tunniussisarnermi, pisortallu ikiorsiissutaannik tunniussisarnermi pisinnaatitaaffiit nalilersoqqissagai.

Maleruagassatigut tunngavissat

Landstingsforordning nr. 1 af 15. april 2003 om hjælp til børn og unge (private døgninstitutioner)  
Landstingsforordning nr. 4 af 7. maj 2007 om førtidspension  
Landstingsforordning nr. 15 af 20. november 2006 om offentlig hjælp

Pissutsit atuuttut

Ilaqutariinnermut ataatsimiititaliaq 2010-mi aggustip qaammataani ataatsimiinnermini pisinnaatitaaffiugallartussat akuersissutigai, takuuk ilanngussaq 1. Pisinnaatitaaffiit taakku aqqutigalugit annertuumik ataavartumik aningaasartuutissat ataatsimiititaliamit aalajangiiffigineqaaqaartassapput.

Ilaqutariinnermut Immikkoortortami pisortaaneq pisortallu pisinnaatitaaffiit eqqartoramikkut isumaqarput, pisinnaatitaaffiit agguataarneqarnerini pingaarnertut tunngaviit allanngortinneqarnissaannut pissutissaqanngitsoq. Taamaakkaluartoq kommunalbestyrelsep saaffiginnissutaa aallaaviglaugu pisinnaatitaaffiit misissuataarneqarnerini, qallunaatuuani qupperneq 2-imi tullinnguuttut iluarsisassamik nassaarpugut

Suliassat nassuiaataat: ”inissiinissamut aalajangiinerit” ima allanngortinneqassaaq ”inissiinissamut inissiivissamullu aalajangiinerit”

Suliassat nassuiaataat: ”pinngitsaaliissummik inissiinerit” ima allanngortinneqassaaq ”pinngitsaaliissummik inissiinerit inissiivissamullu aalajangiinerit ”

Allaffeqarfiup naliliinera

Allaffeqarfiup nalilerpaa, inuttut atukkat pillugit inissiinissami tunngaviusartut tassaasut kinguaassiutitigut atornerluinerit, imminorneq, imminornissamik siorasaarinerit aamma imigassamik ikiaroomartumillu atornerluinerit. Kommunimi inunnik isumaginninnermik suliaqartut aningaasartuutitut arajutsisimangillat, inuiaqatigiinnili inuttut ajornartorsiutaasut pinaveersaartinneqarnissaannut siunissamut qaninnerusumut sakkussaqaaratik. Aqutsisut nakkutiginninnerat nalinginnaasumik sukateriffigineqarnikuuvoq, tamannalu maannakkut pisinnaatitaaffinni allassimalluni.

Suliffissaaleqisut taama amerlatigitillugit naatsorsuutigisariaqarpoq, siunissami angerlarsimaftiup avataanut inissiisarnerit ikiliartussanngitsut.

Ilaqutariinnermut ataatsimiititaliap suliamik suliarinninnera

Ilaqutariinnermut ataatsimiititaliap septembarip 12-ani 2012 ataatsimiinnermini aalajangiuppaa pisinnaatitaaffiit aningaasaqarnermut ataatsimiititaliamit Kommunalbestyrelsimiillu akuersissutigineqassasut.

Aningaasaqarnermut ataatsimiititaliap suliamik suliarinninnera

Aningaasaqarnermut ataatsimiititaliap septembarip 18-ani 2012 ataatsimiinnermini suliaq suliarivaa:

Borgmesterip suliffissaaleqineq pillugu oqallittoqarnissa kaammattuutiga.

Suliffissarsiuussisarfik aamma namminnersortut suleqatigiinnerat nukittorsassaaq.

Oktobarimi kommunalbestyrelsimut ilanngunneqassaaq suliffissaaleqisunut paasissutissat pineqareerpata.

Innersuussut akuersissutigineqarpoq.

**Innersuussut**

Aningaasaqarnermut ataatsimiititaliap kommunalbestyrelsimut innersuussutigissavaa pisinnaatitaaffiit nalilersoqqinneqarnerat akuereqqullugu.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Pisinnatitaaffiit

**Imm. 07 Inuiaqatigiit peqqissuutinneqarnissaannik politikkikkut isumaqatigiissutissatut  
siunnersuutip tusarniutigineqarnera**

*Journalnr.*

Tunuliaqutaq:

Inuuneritta II – 2013-imit 2019 tikillugu inuiaqatigiit peqqissuutinneqarnissaannik Naalakkersuisut iliuusissaat anguniagaallu 2013-imi januaarip aallaqqaataani atuutilersinneqarnissaa siunertaralugu, Inatsisartut 2012-ip ukiaanerani ataatsimiinnissaannut saqqummiunneqarnissaa natsorsuutigineqarpoq.

Inuuneritta II-tigut takorluukkat tassaapput:

Nunatsinni innuttaasut tamarmik pitsaasumik inuuneqarnissaminnut pitsaasunik periarfissaqartinneqassapput.

Peqqinnissamat Naalakkersuisup borgmesterillu 2012-imi maajip qaammataani ataatsimiinnerini, tullinnguuttut pingaartilugit sammineqassasut isumaqatigiissutigineqarpoq:

- *Imigassaq ikiaroorartorlu*
- *Pujortartarneq*
- *Timikkut sammisaqartarnissaq*
- *Nerisaqarneq*

Meeqqat, inuusuttut ilaqutariillu immikkut anguniarneqarput. Meeqqat inuusuttullu pitsaasumik ineriartornissaasa qulakkeerneqarnissaanni ilaqutaasut inuiaqatigiillu pinngitsoorneqarsinnaangillat.

Inuunerittami aningaasanik toqqorterinissaq pingaarnertut anguniarneqanngilaq, kisiannili nappaatit anniaatillu ikilisarneqarnissaat, pitsaasumillu inuuneqalernissamat atugassaqartitsinissaq anguniarneqarluni.

Inuiaqatigiit aningaasaqarnerinut pitsaasumik sunniuteqarnissaa iluanaaqutaataassaaq.

Maleruagassatigut tunngavissat:

Pituttortumik isumaqatigiissusiortoqassanersoq kommunit namminneq aalajangissavaat.

Pissutsit atuuttut

Inuiaqatigiit peqqissuutinneqarnissaannik politikkikkut isumaqatigiissutissatut siunnersuut suliarineqarsimalluni maanna kommuninut tusarniutigineqarpoq.

Inuiaqatigiit peqqissuutinneqarnissaannik isumaqatigiissutissaq politikkikkut takorluugaavoq, soorluttaaq inuiaqatigiit peqqissuutinneqarnissaannik suliniuteqarnermi ataatsimut siunnerfeqarluni anguniakkanillu ataatsimoorinninnissamat Naalakkersuisut kommunillu akornanni suleqatigiinnissaannik pituttuisuusoq.

Inuiaqatigiit peqqissuutinneqarnissaannik isumaqatigiissut pingaarutilinnik samminnippoq, matumani atukkatigut assigiinngitsumik atugaqarneq, sulilersitsiniaaneq kiisalu meeqqanut inuusuttunullu suliniarneq.

Taamaattumik inuiaqatigiinni unammillernartut annertuut iluarsivigineqarnissaanni peqqinnissaqarfiit kommunillu pituttortumik suleqatigiinnissaat pisariaqarpoq.

Peqqinnissaq pillugu pituttortumik isumaqatigiissusiussagaanni akisussaaffik ersarissumik inissinneqartariaqarpoq, soorluttaaq kikkut sunik, qanoq qaqugukkullu suliaqarnissaat ersarittariaqartoq. Taamaalilluni taamatut isumaqatigiissuteqarnikkut aallaavik kingumut qiviarneqarluni, suliuniut pilersaarut malillugu ingerlatinneqarsinnaavoq.

Isumaqatigiissusiornermi siullertut sammineqartussat tassaapput:

- Pinaveersaartitsinermi siunnersortit
- Pinaveersaartitsinermi ataatsimiititaliat
- Naartusunut siusissumik iliuuseqarneq
- Atornerluinermit katsorsaanerit

Naalakkersuisut kommunillu isumaqatigiipput, suleqatigiinnerup ineriartortinneqarnissaani iliuusissat nutaat, katsorsariaatsit nutaat teknologiillu nutaat immikkut sammineqassasut.

#### Aningaasaqarnikkut allaffissornikkullu kingunerisinnaasai

Inuiaqatigiit peqqissuutinneqarnissaannik isumaqatigiissutissaq aningaasartuutaaffiussanngilaq.

#### Qullersaqarfiup oqaaseqaatai

Qullersaqarfiup innersuussutigaa, Inuiaqatigiit peqqissuutinneqarnissaannik isumaqatigiissut taparserneqassasoq.

#### Allaffeqarfiup naliliinera

Allaffeqarfimmi sulisut Peqqinnissamullu Naalaakkersuisoqarfimmi siunnersorti ataatsimiillutik siunnersuut eqqartorlugu oqaaseqarsinnaallutillu allannguutissatut siunnersuusiorsinnaasimapput. Allaffeqarfiup innersuussutigaa, Inuiaqatigiit peqqissuutinneqarnissaannik isumaqatigiissutissaq Ilaqutariinnermut ataatsimiititaliap akuersissutigissagaa, Kommunalbestyrelsimullu ingerlateqqillugu.

#### Ilaqutariinnermut ataatsimiititaliap suliamik suliarinninera

Ilaqutariinnermut ataatsimiititaliap septembarip 12-ani 2012 ataatsimiinnermini suliaq suliarivaa, Inuiaqatigiit peqqissuutinneqarnissaannik politikikkut isumaqatigiissutissatut siunnersuut tusaatissatut tiguneqarpoq kommunalbestyrelsimullu suliaq ingerlateqqinneqassasoq.

#### **Innersuussut**

Ilaqutariinnermut ataatsimiititaliamit kommunalbestyrelsimut innersuussutigineqarpoq Inuiaqatigiit peqqissuutinneqarnissaannik politikikkut isumaqatigiissutissatut siunnersuut akuerineqassasoq.

#### **Aalajangiineq**

Innersuussutigineqartoq akuersissutigineqarpoq.

#### **Ilanngussaq**

1. Inuiaqatigiit peqqissuutinneqarnissaannik politikikkut isumaqatigiissutissatut siunnersuut



**Imm. 08 Imigassanik aalakoornartulinnik nioqquteqarsinnaanermut qinnuteqaat –  
Wogac’s Mittarfimmi pisiniarfik, Kangerlussuaq**

*Journalnr. 70.06.00*

Tunuliaqutaq

2012-imi aprilip aappaani Steen Ravnborg Kangerlussuaq Mittarfimmi pisiniarfimmut, imigassanik kimittuunik kimikitsunillu nioqquteqarsinnaanermut qinnuteqaammik nassitsivoq.

Aqissip puiaata imaanik snapsiliat, puiaasaaqqanik mikisumik puullit tuniniarniarpai.

Maleruagassatigut tunngavissat

Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaat nr. 11, 11. november 2000-imeersoq. Inatsimmi kapitali 2 naapertorlugu imigassanik aalakoornartortalinnik kimittuunik kimikitsunilluunniit nioqquteqassagaanni sassaalliissagaanniluunniit imigassanik aalakoornartortalinnik nioqquteqarsinnaanermut/sassaallersinnaanermut akuersissummik pigisaqarnissaq piumasagaataavoq, soorlu aamma Imigassanik aalakoornartortalinnik nioqquteqarsinnaanermut/sassaallersinnaanermut akuersissut kommunalbestyrelsimit tunniunneqartussaasoq, akuersissullu inimut ininulluunniit aalajangersimasunut atatinneqassaaq.

Pissutsit atuuttut

Kangerlussuarmi imigassanik sassaalliisinnaanermut akuersissutit aqqaneq-marluupput, imigassanillu nioqquteqarnissamut akuersissutit sisamaallutik.

Nunaqarfimmi aqutsisut suliamik ingerlatsinerat

2012-imi septembarip arfineq-aappaani suliaq nunaqarfimmi aqutsisunit suliarineqarpoq, qinnuteqaatillu akuersissutigineqarnissaat innersuussutigalugu.

**Innersuussut**

Kangerlussuarmi Mittarfimmi pisiniarfimmut imigassanik kimittuunik kimikitsunillu nioqquteqarnissamut akuersissut ukiuni pingasuni atuuttussaut akuersissutigineqassasoq.

**Aalajangiineq**

Nioqquteqarnissamut akuersissutit/piumasagaatit pigineqarnerat apeqqutaatillugu innersuussutigineqartoq akuersissutigineqarpoq.

**Ilanngussaq**

1. Kangerlussuarmi imigassanik sasasaalliinissamutnioqquteqarnissamullu akuersissutit allattorsimaffiat

**Imm. 09 Imigassanik aalakoornartulinnik tuniniaanissamut qinnuteqaat – Kangerlussuaq  
Wogac´s kiosk Old Camp B 1640**

*Journalnr. 70.06.00*

Tunuliaqutaq

2012-imi aggustip 16-iani Jørgen Larsen Kangerlussuaq Wogac´s kiosk Old Camp B1640-mut, imigassanik kimittuunik kimikitsunillu nioqquteqarsinnaanermut qinnuteqaammik nassitsivoq.

Maleruagassatigut tunngavissat

Imigassanik aalakoornartortalinnik nioqquteqartarnek sassaallertarnerlu pillugit Inatsisartut inatsisaat nr. 11, 11. november 2000-imeersoq. Inatsimmi kapitali 2 naapertorlugu imigassanik aalakoornartortalinnik kimittuunik kimikitsunilluunniit nioqquteqassagaanni sassaalliissagaanniluunniit imigassanik aalakoornartortalinnik nioqquteqarsinnaanermut/sassaallersinnaanermut akuersissummik pigisaqarnissaq piumasqaataavoq, soorlu aamma Imigassanik aalakoornartortalinnik nioqquteqarsinnaanermut/sassaallersinnaanermut akuersissut kommunalbestyrelsimit tunniunneqartussaasoq, akuersissullu inimut ininulluunniit aalajangersimasunut atatinneqassaaq.

Pissutsit atuuttut

Kangerlussuarmi imigassanik sassaalliisinnaanermut akuersissutit aqqaneq-marluupput, imigassanillu nioqquteqarnissamut akuersissutit sisamaallutik.

Nunaqarfimmi aqutsisut suliamik ingerlatsinerat

2012-imi aggustip 31-ni suliaq nunaqarfimmi aqutsisunit suliarineqarpoq, qinnuteqaatillu akuersissutigineqarnissaat innersuussutigalugu.

**Innersuussut**

Kangerlussuarmi Wogac´s kiosk Old Camp B1640-mut imigassanik kimittuunik kimikitsunillu nioqquteqarnissamut akuersissut ukiuni pingasuni atuuttussaut akuersissutigineqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Kangerlussuarmi imigassanik sasasaalliinissamut nioqquteqarnissamullu akuersissutit allattorsimaffiat

**Imm. 10 Kangerlussuarmi tammajuitsussarsiorluni ukiaanerani piniartitsinermut  
atatillugu assartuilluni aqutissanik pilersitsinissamut immikkut akuersissut**

*Journalnr.*

Tunuliaqutaq

Ukiaanerani piniarnermut atatillugu Kangerlussuup eqqaani nunaannarmi motorilinnik angallassissutinik angalasarnissamut tammajuitsussarsiorluni-/inuutissarsiuutigalugu piniartitsisartut marluk immikkut akuersissummik Namminersorlutik Oqartussanut qinnuteqarsimapput. Qinnuteqartut marluusut aappaa immikkut akuersissutinik pingasunik aappaalu ataatsimik qinnuteqarsimapput.

Immikkut akuerineqarnissamik qinnuteqaatinut sisamanut tamanut 2012-imi aggustip 29-ani itigartitsissuteqartoqassasoq Qeqqata Kommuniata innersuussutiginikuuvaa, kisianni angallavissaq pineqartoq ilisarnaaserneqassappt, kangerlussuarmi Tatsillu Ataa-ta akornanni immikkut akuersissuteqarsinnaanermut periarfissamut ammaassilluni.

Qinnuteqartumut siullermut immikkut akuersissutinik pingasunik Nunami Namminermi, Pinngortitamut Avatangiisinullu Naalakkersuisoqarfik akuersissuteqarsimavoq qinnuteqartulli aappaanut itigartitsissuteqarluni.

Maleruagassatigut tunngavissaq

Kangerlussuup eqqaani nakkutilliinissamut pilersaarut Kangerlussuup eqqaani nunaannaq ataatsimut isigalugu pineqarpoq.

2.

Pissutsit atuuttut

Kangerlussuup eqqaanik nakkutiginninnissamik pilersaarummik suliaqarnermut atatillugu isumaqatigiissutigineqarpoq, nunaminertani assigiinngitsuni pissutsit tullinnguuttut pingaernerutinneqassasut:

- A. Kangerlussuup avannaatungaaniittut pinngortitamut tunngasut, tuttuq piaqqiorfii, Ramsar-eqarfik (masarsoqarfik) aamma Aasivissuit eqqaani Unesco site ilanngullugit pingaartinneqassasut.
- B. Kangerlussuup eqqaani takornariaqarneq aamma sukisaarsaarfikkuminartut, Sermersuup tungaanut aqqusineq aamma Tacan-imi assilisassarsiornerit ilanngullugit pingaartinneqassasut
- C. Kangerlussuup kujataatungaani piniarneq, angallassissutilluunniit motorillit atorlugi tammajuitsussarsiorluni piniartitsinerit inuutissarsiuutigalugulu piniarnerit ilanngullugit pingaartinneqassasut.

Piffissap ingerlanerani Namminersorlutik Oqartussaniit immikkut akuersissutit assigiinngitsut Kangerlussuup nunataani angallanneq eqqarsaatigalugu suut akuerisaanersut akuerisaannginnersulluunniit pillugit annertuumik paatsuungatitsisimapput. Kangerlussuup eqqaanik nakkutiginninnissamik pilersaarutip tamakku oqilisartussaagaluarpai, ilutigitillugu angallavissatut eqqarsaataasumi siunissami angallannerup nakkutigineqarnerulernissaa.

Immikkut akuerineqarnissamik qinnuteqaatit sisamaasut ukununga tunngassuteqarput:

1. Nunaminertaq C-mi kangerlussuup Tatsillu Ataa-ta akornanni inuutissarsiutigalugu piniarnermi angallassinermut.
2. Nunaminertaq C-mi kangerlussuarmiit Isunnguata Sermia aqqusaarlugu Sermersuup tungaanut aqutikkut tammajuitsussarsiortitsilluni piniartitsinermi angallassinermut
3. Nunaminertaq A-mi Kellyvillep eqqaaniit Aasivissuarnut tammajuitsussarsiortitsilluni piniartitsinermi angallassinermut
4. Nunaminertaq B/C-mi akuliarusersuup kuuaniit Sermersuarmut tammajuitsussarsiortitsilluni piniarnermi angallavissatut

Ingerlavissani taaneqartuni pingasuni angallavissanik pilersitsisinnaanermut periarfissamik Kangerlussuup eqqaanik nakkutiginninnermut pilersaarummi ilanngussisoqarnikuuvoq, maannali taakku ilanngillat ilisarnaaserneqaratilluunniit.

Kangerlussuup eqqaanik nakkutiginninnermut pilersaarutip aammalu Kangerlussuup Tatsillu Ataa-ta kiisalu Kangerlussuup kujataani nunatami umimmappassuaqarnerata tuttorpassuaqarnertalu malitsigisaanik, Naminersorlutik Oqartussat kommunilu taakkununga angallavissanut immikkut akuerissuteqarnissamik misiliinikuugaluarput. Misilittakkat ersarissimangillat, angallavissatullu eqqarsaataasup avataani angallanneq pillugu arlaleriarluni naammagittaalliuuteqartoqartarsimavoq.

Assigisaanik kangerlussuup eqqaani nakkutiginninnermut pilersaarummik aallaaveqartumik, nunatami A-mi Aasivissuarnut apummik uleqqasumi 2012-imi ukiuunerani piniarnernermut motorilinnik angallassissutinut itigartitsissuteqartoqarpoq.

Ukiaanerani piniarnerup nalaani aputeqarnek ajorpoq, taamaattumik motorilinnik angallassinisaaq ATV-nik assigisaanilluunniit pissalluni. Nunaminertani angallaveqanngitsuni tamanna nunamik aserorterinernek kinguneqassaaq, tamannalu ukiuni arlalinni takuneqarsinnaassalluni. Nunaminertani angallavissalinni ajoraluartumik paasineqarsimavoq, angallavissat avataanni angalasoqartarsimasoq.

Kangerlussuup eqqaani nakkutiginninnissamik pilersaarut pillugu Namminersorlutik Oqartussat Kommunillu akornanni malinnaatitsilluni ataatsimeeqatigiinnermi angallavissat pilugit erseqqissaassutinik pilersitsisoqarnissaa isumaqatigiissutigineqarpoq, taakkununga ilanngullugit

- a. Kangerlussuup sikuani aamma Isunnguata sermiani kisianni Aasivissuarniunngitsoq ukiuunerani angallannissamut 2012-imi immikkut akuersissuteqartoqassasoq
- b. 2012-ip ingerlanerani angallavissanut nalunaarummik nutaamik peqalissasoq naatsorsuutigineqartoq, taamaalilluni kommunip angallavissat 2013 nallertinnagu kommunip pilersaarusiorneqarneranut ilanngussinnaallugit
- c. Tatsip Ataa-niit Tasersuarmut, kisianni Kellyville-mit Aasivissuarnut pinnani angallavissaqalissanik ilanngussisoqarnissaa naatsorsuutigineqartoq

Tamakku saniatigut unioqutitsisunik nakkutiginninnerup pitsaanerulersinneqarnissaa isumaqatigiissutigineqarpoq, tassunga ilanngullugit

- i. Politiit, piniarnermut nakkutilliisut kommunimilu nunaminertanik sanaatornermilu immikkoortortaqrifiup akornanni suleqatigiinnermik ataqatigiissaakkamik aallartitsisoqarpoq
- ii. Kommunini piniarnermut nakkutilliisoqarnermut inatsisitigut tunngavigisaaq Namminersorlutik oqartussani aalisarnermut piniarnermullu immikkoortortaqrifiup misissorpaa
- iii. Nunaminertat piniarfigeqqusaanngitsut piniagassanut tamanut atuuttuunersoq paasineqassasoq



Aningaasaqarnikkut allaffissornikkullu kingunerisinnaasai

Nakkutilliinissamik pilersaarummut akersiusumik tammajuitsussarsioritsilluni motorilinnik anglassinissamut immikkut akersissutinik Namminersorlutik Oqartussat tunniussisimanerata ammalu taanna pillugu malinnaatitsilluni ataatsimiinnermi isumaqatigiissutaasut ersarissuunerat, aningaasalqarnikkut allaffissornikkullu kingunissarai.

Nakkutilliinissamut pilersaarut tatiginarunnaarsarneqarpoq, pisortat soqutigisaqatigiillu assigiinngitsut isumaqatigiissuteqarnissamik nassaarniarnermini nukippassuit atornikummatigit. 2012-ip ingerlanerani paasissutissiissutissatut atortussanik suliaqartoqarnikuuvoq, namminersorlutik oqartussat immikkut akersissuteqarnerisigut nutaanngilisooersunik. Namminersorlutik Oqartussani taamungaannaq sullissinerup paatsiveerutsitsinera, pisortanut, ingerlatsivimmut Kangerlussuullu eqqaa pillugu ataatsimoorussamik aaqiiniarnermut tatiginnikkunnaarsitsivoq.

Qullersaqarfiup oqaaseqaataa

Annertunerusumik oqaaseqaatissaqanngilaq.

Allaffeqarfiup naliliinera

Allaffeqarfik naliliivoq, Namminersorlutik Oqartussat suliamik suliarinninnerata annertuumik takutikkaa, sumiiffimmi pissutsinik naammattunik Namminersorlutik Oqartussani ilisimasaqarneq, taamaattumillu aqutsineq kommunitumut tunniunneqartariaqaraluartoq. Namminersorlutik Oqartussani sullissinerup takutippaattaq, innuttaasut/inuutissarsiuutigalugu sullissisartunut aataasiaakkaanut annertuumik assigiinngissititsisoqartoq, ilaat allaniit ajornannginnerumik immikkut akersissuteqarfigineqartarlutik.

Aningaasaqarnermut ataatsimiititaliap suliamik suliarinninnera

Aningaasaqarnermut ataatsimiititaliap septembarip 18-ani 2012 ataatsimiinnermini suliaq suliarivaa aalajangiullugulu paasissutissiissut tusaatissatut tigullugu.

**Innersuussut**

Aningaasaqarnermut ataatsimiititaliap kommunalbestyrelsimut innersuussutigissavaa paasissutissiissut tusaatissatut tigussagaa.

**Aalajangiineq**

Saqqumiuussiissutip oqariatuutaanut paasissutissiissut tusaatissatut tiguneqarpoq aammalu oqallinnermi tikinneqartut, soorlu aqutsineq kommunitumut tunniunneqartariaqartoq Naalakkersuisunut saaffiginnissutigineqassasoq.

**Ilanngussaq**

1. Kangerlussuup eqqaani nakkutilliinissamut pilersaarut

## **Imm. 11 Atuilluartuunissamik suliniutit**

*Journalnr.*

### Tunuliaqutaq

Qeqqata Kommuniata 2020-mi inuiaqatigiittuut atuilluartuuffiulersimanissani 2012-imi aallarnisalerpaa. Aningaasaateqarfiup Villum-ip aallarnisaanerit 2 mio. koruuninik tapiiffigivai, tamatumanilu kissaatigisimallugu suleqatigiissitani aqutsisuni sinniiseqartitsinissani. Suliniutissat aallarnisarlugit isumasioqatigiissitsinerit aggustip 18-ianiit 20-iat ilanngullugu ingerlanneqarput.

Suliniutissanilu suleqatigiissitat 32-t massakut atuilluartuunissamik suliassanik assigiinngitsunik immikkuualuttuni ingerlataqarlutik. Suliniutini aqutsisut oktobarip 23-ini 24-nilu Maniitsumi naapeqatigiissapput.

Septembarimi ARTEK/DTU-ip paasissutissiissutigivaa, namminneq aamma atuilluartuunissamik siunertani ingerlaqqinnissami tunniussaqaarusullutik, aallanisaanermilu aqutsisuni peqtaarusullutik.

### Maleruagassatigut tunngavissaq

Aallarnisaanermik suliassat taama annertutigisut kommunalbestyrelsimit toqqammavilerneqartariaqarput, soorlumi kommunip anguniagai aamma kommunalbestyrelsimit toqqammaviligaasut.

Aningaasaateqarfiup Villum-ikkut aallarnisaanermi suliniutinut akuersaarnissaminni allaaserivaat, suliniutiginiakkat 2013-ip naanaeranut naammassineqarsimasariaqartut. Tamatuma kingorna aningaasaateqarfiup Villum-ikkut nalilersussavaat, Qeqqata Kommuniani pingaarnertut suliniutiginiagaq tapersersugassaqqissuunersoq.

### Pissutsit atuuttut

Suliniutissanilu suleqatigiissitat 32-t aqutigalugit, misissuinerpaalussuit ingerlanneqartussaapput, tamatumuuna kommuni atuilluartuuniarnermini anguniakkatut siunnerfia piviusorsiortuunersoq, taamalu 2020-mi Issittumi Nunani maligassiusutut atuilluarfinngorsinnaassallissalluni.

Assigiinngitsorpassuarnik sammiveqarput, ilinniartitaanermiit inooqataanermiillu akimoortumik pilersaarutinut kiisalu teknikkimut avatangiisinullu tunngasunut.

Atuilluartuunissaq pillugu isumasioqatigiinnermi ilisimasaqarluartuniit, nuna tamakkerlugu-, kommunimi nunaqarfinnilu politikkeriniit kiisalu pilersaarusiortuniit taamatullu illoqarfimmi namminermi peqataasuneersut isummersuuterpassuit, suliniutini suleqatigiissitat suliassaqartillualersimavaat. Suleqatigiissitani tamani kajumissuseq annertorpaseqaaq, siunissamilu isumalluarnartuulluni.

Ingerlaraqqinnissami innuttaasut peqataatinnissaat salliutinneqassaaq, Maniitsumilu ataatsimiinnissami tamanna pingaartinneqassalluni, tamatumanilu innuttaasunik ataatsimiititsisarnissat aamma pilersaarusiorneqassapput, iliuusissatigullu allatigut aamma innuttaasut peqataatinnissaat eqqarsaatigalugu. Atuilluartuunissamik suliniutini ukiup affakkaartumik agguataartagassat aamma innuttaasut peqataatinnissat siunertaralugu pilersinneqarput.

Kommunip anguniagassatut pingaartitat tallimat suliarinikuuai. Pingaartitallu taakku tallimaasut ukuullutik: ”kajumissuseq, akisussaaqataaneq, ataatsimoorneq, pisinnaasatigut ineriartortitseqati-giinneq kiisalu oqaloqatigiinneq” tamarmillu kommunip iluani tamatigut tigulluarneqarnikuullutik, taamaattorli pingaarnertut eqqarsaatersuut ”Qeqqata Kommunია Kalaallit Nunaanni ineriartorfittut akisussaaffimmik tigusinissaq, periarfissallu naapertorlugit piviusunngortitsinissaq” taamatulli tiguneqarani.

#### Aningaasaqarnikkut allaffissornikkullu kingunerisinnaasai

Qeqqata Kommuniata atuilluarfiusunngortinniarnissaa, 2020-imilu maligassiuusutut inissinniarnissaa, aningaasaqarnikkut allaffissornikkullu annertungaatsiartumik piumasaaqarfiussaaq. Pingaarnertulli tamatta eqqarsariartaatsitsinnik allannguisariaqassalluta, tassa atuilluartuunissamik siunertalimmik.

Suliassat ilaat aningaasartuutitaqangaatsiartussaassapput, allalli piffissami qanittumi alimasinneru-sumilu sipaaruteqarfiungaatsialernissaat neriunaateqarluni. Taamaammatt pingaartitatigut allanngui-ngaatsiarnissaq pisariaqassaaq, kommunip aningaasartuuteqarnerunissaa allaffissornikkullu piumasaaqateqarfiunerulernissaa salliutinngit.

Ullumikkumut sanilliullugu atuilluarsinnaaffiusutigut misillitagaqarfiunngitsutigut iliuuseqarnissaq pingaartumik teknikkimut avatangiisinullu tunngasutigut aningaasartuutitaqangaatsiarnissaat qularutissaanngilaq. Tamarmillumi ullormiit siullermiit sunniuteqarnaviaratik, taamaattorli piffissaq alimasinnerusoq isigalugu pitsaasumik sunniuteqarnissaat neriunaateqassalluni. Atuilluarfiusinnaa-sutut iliuuseriniagassat nutaat, nunarsuamit avatangiisitsinniit isiginiarneqarnissaat neriunaateqas-saaq, taamatumani aningaasaliisinnaanerit eqqarsaatigalugit ilisimasanilli aamma Kalaallit Nunatsinni allani Issittumilu nunani siammarsaanikkut.

#### Qullersaqarfiup oqaaseqaataa

Immikkut oqaaseqaatitassaaqanngilaq.

#### Allaffeqarfiup naliliinera

Allaffeqarfiup pingaaruteqarsorilluinnarpaa, kommuni atilluarnerunissamut ingerlaniassappat, aammalu maligassiuusutut inisseriarnissamut periarfissaqarluarsoralugu. Tamatumani lu pisariaqarluni, tamatta suleqatigiilluarnissarput, taamaammallu ARTEK/DTU-p annertuumik iliuuseqarnissamik siunnersuutaa, tamatumani lu suleqatigiissitani aqutsisuni peqataarusnnera pingaaruteqarluinnarluni. Aallarnisaanerit ingerlanerini pingaarnertut eqqarsaatersuummi aqqiissuussinissaq aamma aqqiiffigisariaqarpoq.

Allaffeqarfiup pitsaasutut isigivaa, massakkumut pingaartitat tallimaasut siunnerfigiinnarnissaat, taamaattorli eqqarsaatersuutit tulliuttutut iluarsiiiffigalugit ”Qeqqata Kommunია 2020-mi atuilluarfiusoq”. Massakkumut eqqarsaatersuutaasoq, tassalu Kalaallit Nunaanni ineriartorfittut akisussaaffimmik tigusinissaq, periarfissallu naapertorlugit piviusunngortitsinissaq ajuusaarnara-luurtumik paatsoorneqarsimavoq, tassalu inuutissarsiornermuinnaq tunngatitanngorlugu, tamannami siunertaasimannikkaluarmat. Ingerlaqperiarnissamilu pingaaruteqassaaq, atuilluartuunissap avatangiisitigut atuilluartuunissamuinnaq tunngatinneqannginnissaa, illutungaaticullu aamma ilinniartitaanikkut inuttullu atukkatigut aamma pingaaruteqartillugu.



Innuttaasut akuutinneqarnissat allaffeqarfiup pingaartippaa, taamaammat atuilluartuunissamik suliniutitigut ukumi ataatsimi (juunip 1-ani 2012-imiit maajip 31-anut 2013-imut) aallarnisaanerup saniatigut agguataagassat ingerlaqqittussaasut paasitissallugu pingaaruteqarpoq. Ingerlaqqeriarnissami innuttaasut ataatsimiititsisarnissatigut innuttaasunillu suleqatigiissitatsigut il.il. peqataatinnegarnissaat aallarnisaanerit naammassineqarnissaannut pingaaruteqavissuvoq.

Aammali allaffeqarfiup innersuussutigissavaa, kommunip atuilluartuunissaq sukumiisumik ingerlatissagaa, suliniutissanillu suleqatigiissitat 32-t uniffiginagit. Taamaattumik suliniutiginiakkat politikkerinut saqqummiuneri tamaasa ilaatinneqartariaqarluni, qanoq ililluni suliniutiginiagaq Qeqqata Kommuniata atuilluarfiusutut inuiaqatigiinnegornissaani tapertaasinnaanersoq. Immikkoortoq ”Atuilluartuunissap nassatarisassai” uaniittariaqaraluarpoq ”Aningaasaqarnikkut allaffissornikkullu kingunerisinnaasai”.

### **Innersuussut**

Allaffeqarfiup kommunalbestyrelimut akuereqqullugu innersuussutigissavai,

Kommunip pingaarnertut eqqarsaatersuutaa tulliuuttut allanngortinneqassasoq ”Qeqqata Kommunia 2020-imi atuilluartuuffiurusuppoq”

Kommuni siunissami atuilluartuunissamik suliniutitigut agguataagassanik immikkoortitsisalissasoq, taakkulu kommunimi innuttaasunit ukiup affakkaartumik qinnuteqaataasinnaasassat

Aallarnisaanermi suleqatigiissitanik aqutsisut ukuninnga inuttaqartinneqassasut borgmesteri Hermann Berthelsen siulittaasut, prof. Arne Villumsen, Villumfond-ip sinniisaatut Lea Kaliszan, kommunimi psortaaneq Paneeraq Olsen aamma ARTEK centerleder Carl Egede Bøgild

Kommunip suliami atortussai siunissami immikkoortumik ”atuilluartuunissaq” ilaneqassasut

### **Aalajangiineq**

Innersuussutigineqartut akuersissutigineqarput.

### **Ilanngussaq**

1. Atuilluartuunissamik suliniutitigut agguataagassasigut piumasaqaatit



**Imm. 12 Tamalaat**

Godmand Rasmussenip kuuffissuarnut akiliutaasartut assigiinnginneri pillugit apeqquteqaataa borgmesterip akissuteqarfigaa, erseqqissaatigalugulu oqaluuserisassanngortitsiniaraanni allaganngorlugit tunniussisoqartarnissaa.

Godmand Rasmussenip Imm. 04-mi teknikkimut tunngasunut aningaasartuutininut tunngasunik apeqquteqaatai borgmesterimit akissuteqarfigineqarput.

Efraim Olsenip ilisimatitsissutigaa Pilersuisup innuttaasunik ataatsimiisitsisimasoq aningaaserivigineqarneq Pilersuisumik isumaqatigiissuteqarnikkut ingerlasoq ukiortaamiit unitsineqassasoq, pilersuisup ilisimatitsissutigisimagaa.

Anda Berthelsen Sarfannguani atuarfimmuut tunngasut pillugit apeqquteqaataanut, Ilinniartitaanermut pisortaq Axel Lund Olsen Sarfannguani atuarfiup oqoqarnera pillugu iluarsaassinermi suliap killiffianik ilisimatitsissuteqarpoq.

Atammik/Napasumi nunaqarfimmi aqutsisuni ilaasortap Hansine Møllerip nunaqarfimmit nuuttusaanini pillugu tunuarniutaa borgmesterimit suliarineqassasoq, borgmesterip paasissutissiissutigaa.